

永平府志卷之二十四

藝文志 四

詩 國朝

題夷齊廟

和親王

敬受吾

皇令抒誠謁二英孔稱仁已得孟日聖之清維世綱常定  
持身節操明愧他冰與雪未許比晶瑩

盧龍兵使者張君總戎劉君郡守彭君司理任君邑  
宰李君陪遊孤竹城置酒清風臺有作

范文程

永平府志

卷之二十四 詩

一

讓國清風百世師陰陰松檜隱空祠黃農事業應無異山  
水蕭森自不移石動鼉鼉分大壑城荒烏鵲下高枝接羅  
同醉花間酒絕勝襄陽訪習池

孤竹城空隱夕陽山中笳鼓漫悠揚穿林間聽松杉韻隔  
嶺遙聞薇蕨香漆水波瀾交宛轉灤河島嶼自蒼茫登臨  
賓佐多清興長嘯高臺明月光

觀滄海

魏裔介

滄海非東崑崙非西倬彼天漢元氣混齊蓬萊三山是耶  
非耶銀臺金闕侯不乘槎潤色萬物震蕩九土沐日浴月  
天樞地戶幸甚至哉歌以詠志

巡行過北平登孤竹堂望伯夷叔齊廟有感

魏象樞

孤竹何崔嵬兩聖高千古仰止夢魂間有懷常欲吐安得  
陟山巔瓣香頭一俯告我希聖心難濟蒼生苦凜凜對簡  
書汗下渾如雨此行負朝廷愆尤何日補遙望乞神靈相  
助驅豺虎灑水自無波澄清在畿輔

永平府志

卷之二四

詩

二

贈崑令王萃雲尊人杏翁

原註永平人

半載江南客未深玉山秋靜夜沉吟九邊田牧思班壹三  
輔交遊識季心快馬柳城常命酒軟輿花縣暫聞琴白頭  
閒說西京事曾記循良久賜金

永平田君宗周吳故學博也袁重其識之尤展成司  
李其地相見詢袁年百有二矣索詩紀異並簡展成

北平車馬訪烟蘿記向夷齊廟下過百歲共看秦伏勝一

經長在漢田何知交已料滄江少耆舊翻疑絕塞多聽罷  
袁絲數東望酒酣求作絳人歌

早發平城

石申

曉氣餘寒在一鞭濟亂流暗雲辭夜曙遠火帶星浮混混  
分天地勞勞役馬牛壯懷何所極古道足春秋

山海道中

孫廷銓

高柳荒亭下殘碑古戍前秋光晴到水山色淨於天氣變  
蟲音急波沉月影偏雞鳴催候吏爭渡石溪船

重遊龍泉寺

劉鴻儒

溽暑鬱我懷携朋尋高爽出城見南山幽况夙所賞龍泉  
永平府志

卷之二十四

詩

三

久神異風雨靈澤廣別來二十年老健喜重往密樹結層  
陰峭壁當沆漭崕呀窳窳入薜蘿分披上躡翠陟其巔大  
千指諸掌法王寶地尊霞光羅萬象景趣猶如昔理會頓  
殊曩臨茲諸緣空耳目餘清響留連恣遐矚浩浩神氣朗  
桃源勿勞思舍此將焉訪

清風臺

周體觀

獨上清風臺豁達見林野灤江卷石迴激岩向臺瀉中流  
孤竹祠寒烟翻古瓦君王絕世代荒庭誰下馬娜婀長干  
樹扁舟雜漁舍西山何蜿蜒幽光開紺閣墨胎良故墟首  
陽無乃假引酒敬弔之愴然淚雙灑寂寞兩先生斷手後

來者

釣臺圖歌贈馬蘭臺山人

宋 琬

九嶷山人聊玩世伏波將軍之苗裔家在漢陂紫閣間孤  
情獨與烟霞契彈箏叩缶本秦聲裂芟爲衣皆楚製儒冠  
誤人幾半生秋風屢雪劉蕢涕長焚筆硯事丹青潑墨吮  
毫稱絕藝橫皴酷似黃大癡細染還宗吳仲圭近代以來  
數文沈嘉隆而後作者誰山人工意不工似匠心自出無  
專師盧龍山水頗不惡韓家釣臺尤最奇一峯高人白雲  
裏登樓坐見滄海湄游人欲繪每束手譬如寫照難鬚眉  
一日坐我悠然堂解衣盤礴無人窺須臾圖成掛諸壁高  
永平府志

卷之二十四 詩

四

巖邃谷光參差瀨澹旋渦漁艇立窈冥洞口烟蘿垂主人  
韓生有狂癖此臺自爾高曾貽見圖再拜悲且喜重之不  
啻商尊羹便買貞珉勒山側酌酒欲告山靈知山人此別  
欲何往贈汝一枝筇竹杖避世宜從麋鹿羣結廬高卧仙  
人掌寧恤牀頭妻子饑要令胸中邱壑長我今持節越王  
城蘭渚剡溪恣偃仰預拂霜縞以待君一揮欲使羣山響  
記取雪深一丈時山人須鼓山陰槩

贈韓子新

宋 琬

韓生何似儻雅志暮田疇結交盡豪俠座多荆聶流盧龍  
遘陽九鵲巢半爲鳩猛虎礪其牙噬人如猥獍先幾貴明

決盡室相與謀攀牽或徒步不辭道路修始聞林慮好繼  
愛靈巖幽邑宰聞生來下榻如南州魏里聞生來饋糧貽  
耕牛空同沒百載不能庀一杯金魚落人手白骨誰爲收  
生也具衣冠馬鬣封遺邱前季奉廣禱葬父南山頭謁余  
著麻鞵夷然無所求郡乘久零落感愴懷深憂山川風俗  
書佐我恣窮蒐君家有釣臺樓榭與雲浮睠言二三子攜  
壘命輕舟垂竿發長嘯顧盼心悠悠今茲渡黃河余亦將  
南轉哲兄棲會稽卓爾梁鴻儔著書探苑委未肯干諸侯  
平安未妨寄以我當置郵行行且造廬庶幾一見不

遊韓御史釣臺

宋 琬

永平府志

卷之二十四 詩

五

先生蚤歲返邱園選勝垂綸此結軒到海遙看千派入倚  
雲高見一峯尊月明華表松杉影雨洗丹梯杖履痕誰謂  
風流難再嗣客星今已屬諸孫

雨後西五峯

宋 琬

襍被星河近人同野鳥棲片雲孤嶂起一雨萬松迷城郭  
微微見峯巒漠漠低不辭苔徑滑更欲杖青藜

東五峯

宋 琬

已謂西峯好東峯更不羣懸崖疑削刃古木善藏雲海色  
朝來變泉聲雨後分何年此高卧自剪薜蘿裙

謁夷齊廟

東 蔭 商

秣馬西周客維舟北海濱關河猶此地今古有斯人松老  
荒祠月山閒故國春自憐藜藿士終愧採薇民

雲峯寺

東蔭商

遙岫亂雲黑古林殘月明臺荒多鳥跡樓圯斷鐘聲山鬼  
披蘿出村僧夾澗耕前峯問何許碣石少人行

關樓

陳廷敬

壁壘高樓壯旌旗古鎮尊塞風春不斷邊日晝長昏悲角  
關樓動孤城海氣翻往來憑弔意辭賦欲銷魂

出關門百里宿沙河站

陳廷敬

關南滄海浮天白漠北連峯拔地青一片山河圍郭塞幾  
永平府志

卷之三十四 詩

六

家烟火接邊庭遼歌調苦風還斷盧酒愁多夜易醒卻喜  
皇威臨絕域鎮東門戶不須扃

度嶺見長城

丁澎

嶺坂風迴樹鬱盤長城如帶霧中看隨陽雁斷天疑盡背  
日峯高夏苦寒滄海不沉秦女石浮雲欲動楚臣冠伊川  
一曲先揮淚况是親經行路難

關山月

紀映鐘

邊月何凄凄邊霜送馬蹄無情沙磧水日夜下遼西

杯勺滄溟望裏收百年觴咏幾登樓尊前忽覺來三島此  
外猶聞更九州斷岸雨晴天倒影海門風急氣成秋搖搖  
坤軸渾難定會否金鼇背尚浮

登望海樓

曹貞吉

午日遊黃臺山

李成性

永平府志

卷之二十四 詩

七

瑞草新懸艾嬌花已綻榴漁家三里近僧舍十分幽仰陟  
黃臺頂俯看灤水流渡頭人似蟻山角石如牛酒任醉翁  
意詩尋騷客酌誰期重午日還似暮春遊

秋日續遊黃臺山

李成性

白帝行新令黃臺憶舊遊山河仍古昔歲月已遷流鳥向  
洲中集雲依天際浮投竿垂小釣載酒泛輕舟日醉石疑  
虎形忘客似鷗放開江海量收盡水天秋

憇石洞留贈別山上人

尤侗

石洞陰森小有天朗公卓錫此安禪鉢龍夜靜歸山雨野  
鴨秋高起海烟玉磬每聞邨照裏蒲團忽掛

御爐前懸知樹下無三宿面壁因何歷九年

陪周伯衡黃門游一柱峯釣魚臺和韻二首

尤侗

偶然走馬看花回却喜登臨接賦才山勢遙吞射虎石水聲長繞釣魚臺風吹古墓無人到月白高樓有雁來彈指春光半零落誰教輕放掌中盃

平生蕩漿在江涯載酒河干忘日斜疑有山僧點寺石只無村女浣溪紗渡頭客散空流水馬上人歸滿杏花紫塞東風暫行樂嚴城燈火又悲笳

早發七家嶺

尤侗

永平府志

卷之二十四詩

八

邊地悲風苦春來吹不禁征衣霜露結驛道歲華深曉色千村動寒聲萬馬吟坐懷官閣上初日照橫琴

昌黎道中苦熱

尤侗

卧閣琴書整自扃榻來行部問騶鈴鳴蟬乍響新榆綠雉低飛小麥青夏日并途長不已晚山如睡杳難醒何時碣石觀滄海破浪乘風入洞庭

北平城

尤侗

飛將本數奇射石空沒羽不擒碧眼兒乃殺白額虎縱遇高皇帝終與噲等伍

有貽灤鯽者書一絕句

尤侗



叩門有客饋枯魚活活灤河垂網餘回首舊游成一夢相思誰寄遠方書

偏涼汀下釣臺邊日飽鮮鱗不用錢此日長安轉彈鋏何如早趁打魚船

謁夷齊廟

尤侗

孤城鬱岌堯臨河激寒響清風繚繞之白雲翔其上中有古賢人端然肅遺像社稷已邱墟精神自天壤金石永令名俎豆芬將享勁飈迴頽波頑薄興慨慷我來北海濱欣對西山爽駐馬俯平疇陟階掃荆莽百年喬木堅三春芳草長高臺聞鳥啼遠水明漁網撫景迴幽瑟披襟頓超朗

永平府志

卷之二十四 詩

九

薄宦亦苦饑懷古用自廣行行謁採薇寤寐佇遐想

謁景忠山

尤侗

磴道盤盤七十二板車宛轉似猿捫羣峯皆作兒孫立絕頂應知天姥尊夜月靈旗招五岳春風社鼓走千村迎神擬賦離騷曲欲薦湘君乏蕙蓀

登澄海樓觀海

尤侗

茫乎望洋向若嘆大哉歸虛渺無岸近視爭看白馬奔遠觀不辨青霓斷似雷非雷聲殷殷魚鱉顛倒騰千軍駭浪乍浮出地日驚潮翻射垂天雲方丈蓬瀛疑尺咫漢武秦皇心欲死鮫室蜃樓有若無瑤臺瓊闕非耶是飄飄我亦

凌雲遊海風吹搖城上樓  
撥琴爲奏水僊操鼓權不見漁  
翁舟東望獨存姜女墓精衛填成血  
淚注縱使銀濤萬丈高不到墳頭  
草青處西行更上海神祠羅襪凌  
波來幾時霧髻烟鬟光窈窕夜深  
鼙鼓舞馮夷土人指點先朝事十  
年以前風景異關上皆屯細柳營  
墻邊亂蹴桃花騎水犀之師蔽艤  
餘木牛之糧銜舳艫鐵甲將軍吹  
觶粟臙脂小婦醉醄酥只今眼中  
一事無寒沙蕭蕭雁飛疾仰頭屹  
峙長城孤惟有滄海依依在滄海  
尙變桑田枯而我感嘆何爲乎

偏涼汀登眺是故高大司馬別墅

尤侗

永平府志

卷之二十四

詩

十

此地風塵埋斷碣當年歌舞醉芳茵  
荒邱剩有松楸在廢屋行于鳥雀親  
秋水覺多濠濮意田家時侶武陵人  
峴山魂魄應相憶俯仰興衰一愴神

虎頭石

尤侗

將軍射虎陽山下視之石也虎所化  
至今石虎尙爭獍當日將軍何叱咤  
數奇不遇高皇封時去反遭醉尉罵  
世上誰無萬戶侯過此張弓不敢射

謁夷齊廟

宋元伯

孤城烟雨中長河遶百折驅馬越  
陌阡巍巍廟貌設陰森鬱喬松斑  
駁欹石碣二子餓首陽孤竹尊高  
節嗟彼黃與

農灤水常澄澈波光澹不流山色遠還滅陰晴景朝移烟  
靄衆鳥悅夕陽滿中流發棹聞幽咽簫鼓夜未央歸舟月  
如雪

謁夷齊廟

李士模

許由三皇資遇帝則洗耳夷齊帝者師遇王輕一死器識  
故有恒各視其相取使其在勳華定當不爾爾虞夏何風  
規孤亭俯寒水

灤水歌

李士模

灤水一何清喧豨日不止迴風噴雪過大荒渡壑穿巖數  
千里入關幾處抱巖城形勢如弓復如矢岸邊荒沙高接

雲波底驚石紛若齒黯黹能令白日寒天陰時有蛟龍起  
憶昔榆關正用兵旌旗白羽亂縱橫萬舸平衡波上月清  
笳吹徹鼉鼉驚物換星移仍此水不改濤聲改戰壘兩兩  
沙鷗弄夕陽秋風落葉傷遊子

雪峯寺迴舟卽事

李士模

薄暮垂山靄中流落照紅舟行蓼影上人語水聲中盧酒  
堪遲月絺衣不耐風隔林燈火近歸路響秋蟲

客有道盧龍風景者因賦二律

綦汝楫

人說盧龍勝層城枕塞垣山深屯虎豹關隘續輪轅落  
塵沙靜寒烟草樹昏孤峯一向碣石朔吹滿郊原

渤海初歸客，幽燕繞夢思。  
秋風亭巖石，暮雨伯夷祠。  
征鴻過女墻，畫角悲川原。  
浦迎大漠水，雪帶春澌。

登首山

余一元

鬱懷歷久未登山，晴日同遊開笑顏。  
列嶂參差烟霧裏，一川環繞水雲間。  
巍巍神宇，層臺上翼翼孤亭。  
落照間綠樹覆陰花放，葉暮看黎首荷鋤還。

林下生涯借勝遊，雲山渺渺水悠悠。  
南瞻大海波濤湧，北望羣峯蒼翠浮。  
芻牧牛羊遵隴陌，耦耜禾黍徧田疇。  
陶然醉策蹇歸來，似泛舟。

偏涼汀

譚允謙

宋王忠文公

卷之八十一

十一

巖陰日氣少，此地是佳處。  
八極多美景，日稻更香熟。  
秋刈獲水闊，夜鳴榔絕響。  
望遠望遠望，望遠望遠望。

秦皇島望海歌

宋 堯

渤海之岸聳斷山，橫截巨浸控空烟。  
人言此是秦皇島，一過岡輦道。  
留依然白頭山僧葺古屋，晨炊遠汲荒村泉。  
危巖犖帶沙石盪，胸萬里開長川。  
天吳出沒老蛟舞，百靈彷彿驚壽前。  
我來榆塞正秋晚，蒼鷹叫侶摩青天。  
鞞紋波細風忽止，白鷗容與殊清妍。  
俄頃變幻不可測，歸墟豈必非桑田。  
秦皇已去漢帝至，孤臺野岸空千年。  
蓬萊方丈在何處，一眉新月來娟娟。  
解鞍脫帽便此住，斫松煮菽容高眠。

移情愛鼓水仙曲無須直到三神山秦碑磨滅蘚花繡誰  
能與結翰墨緣欲鞭螫龍作海市良慚玉局登州篇

登首山

陳丹

重陽過半又登高  
大將開筵擁節旄  
山領羣峯排翠嶂  
海當亭午湧銀濤  
採花共泛杯中菊  
剖蟹爭持醉後螯  
傳道荒陬多虎豹  
暮歸共欲控弓刀

雲寺曉鐘

王永命

蘭若棲雲久禪鐘徹晚新  
偈叅僧入定聲到客知晨  
霜杵催今古金繩覺幻真  
平明如棒喝醒後是何人

東嶺晴嵐

王永命

永平府志

卷之二十四 詩

三

山色本無定晴峯倍可耽  
天空開麗日彩翠自成嵐  
霧鬢營邱筆風鬟摩詰語  
叅何當摹霽景烟盡島如藍

西津晚渡

王永命

宿鳥棲林後晚程烟水閒  
問津逢日落暮景映波迴  
疎艇歸人急寒潮返照催  
孤村依岸泊鷗鷺與徘徊

趙令君又呂邀同夏子宛來遊棲霞寺四首

沈荃

一澗龍潭勝雙峯  
兔耳懸穿雲尋野寺  
撥草聽新泉石跡遺  
金馬松風韻管絃  
興來頻顧曲日暮未知還

陟磴循松徑攜樽坐石磯  
野花晴落帽山翠冷沾衣  
地僻

留僧話亭虛待鶴歸我來方執掌到此已忘機  
幽刹何年構棲霞此擅名曉窻延海色夜壑飽松聲園菓  
秋堪摘山田歲可耕石橋流水靜湜湜照人清  
登頓何辭遠山川信有緣幽期真不負東道况多賢碧草  
餘春色黃鸝動暮天酒酣題石去回首渺蒼烟

澄海樓

沈 荃

傑閣臨無地危欄俯大荒連山橫睥睨截海作金湯島嶼  
臨青岱乾坤入混茫

皇威加絕域萬里盡梯航

浩蕩天風發空濛海氣陰良朋一樽酒勝地此登臨日月  
永平府志

卷之二十四 詩

十四

通潮汐滄桑閱古今醉來還徙倚欲聽老龍吟

偏涼汀

方 文

灤河東去海天空白草黃雲一望同惟有偏涼汀數里兩  
邊山色似吳中

澄海樓

湯右曾

大海東迴水波惡如山浪打長城脚千年萬年鬼夢哭冷  
鐵銷沉石崩落王公設險古制存屹立重關嚴鎖鑰干戈  
相尋遠不數六十年前事如昨大盜移國明社墟瀕洞烟  
塵昏六幕是時關門臨賊壘白日旌竿莽蕭索奸凶滿盈  
人鬼怒世運艱屯

聖作飛龍首出在九天熊虎戎衣只一著石河西南破賊  
處父老猶言戰時樂不聞人聲聞刃聲霹靂摧枯風掃籜  
只今車書通萬里天下一家無厚薄名都貨貝街喧闐屬  
國賚琛驛交錯承平暇日展游眺賓客閒情寄觴酌茲樓  
我到亦偶爾萬古心胸忽開拓更喜天容海色清側身東  
望蓬萊閣

山海關

湯右曾

東西誰界絕封此一泥丸地接長城險天浮渤海寬連山  
趨碣石積水見辰韓吹角關門出邊風馬首寒

贈永平張使君

毛奇齡

永平府志

卷之二十四 詩

十五

車前八隊引鳴騶家有司空舊列侯李勉未經懷北闕張  
華早已守平州陽山對酒宮花曙盧水褰帷錦浪秋退食  
稍閒能嘯咏令支城外卽丹邱

永平秋夜釣臺汎月

范承謨

極望知流盡輕舟岸岸移恰迴叢樹後已在小橋西星動  
漁燈亂天寒雁陣低隱淪何處覓此地有夷齊

擬弔夷齊祠

程雲

首陽千載蕨薇新誰繼古賢兩逸民北避初爲全父子西  
歸終不負君臣戎衣取國仍稱聖白馬移封亦得仁若謂  
伐商綏士女代周何更有狂秦

試院三松歌

李東懷

松關茆屋江水東欲去不去淹春冬  
輜軒使者香案吏後車載我旋提封  
灤涼襟帶雄三輔南臺孤竹高龍從城闔  
官解三古松翠虬揚鬚鹿養茸令支邱墟燕國故不知何  
代長此青龍葱此行詰曲龍坂惡草木摧落山皆童桃褫  
李奠不可見驚沙極目迷荒塘西齋坐久羣動息惟聞院  
宇謾謾來天風人生不如丁令鶴又不能爲葛陂龍征輪  
蓬轉敝裘裂側身旅食天涯蹤大枝臃腫小拳曲頗遭垢  
厲同非同樣尊青黃誇世用不樂吐萼飛韶紅平鱗鏗甲  
吁可惜霜欺雪虐時有窮此松敷榮欣得地交柯摩戛相  
承平府志

卷之二十四 詩

六

錚鏦飽經歲月天使獨斧斤不到神靈鍾古根盤礴化爲  
石苔纏蘚剝辭磨礧我從燕南歷邊塞新月已見三彎弓  
青山萬疊蔽歸路獨撫古物舒心胸婆娑清影吟不寐素  
壁先已鏗鯨鐘

扈從過三屯營

高士奇

百雉崑崑古鎮雄野祠多祀戚元戎荒屯黃犢耕春雨老  
樹烏鴉噪晚風壁壘遙分榆塞北旌旗曾駐薊門東登壇  
將畧今誰是寂寂花開亂草中

登景忠山絕頂應制

高士奇

曉仗肅前趨遠峯忽迎面騁目迷烟蘿遊鞅踏蔥蒨逼仄



馬難旋鬱紆磴屢變五步十步中彷彿樓閣現直上丹梯  
懸橫題金粉絢天氣引翠華斯須若奔電峻陟慚微躬傳  
呼復扶倩憑虛乃振衣心悸目猶眩俄驚巔崖間飛翥盡  
美善山光愜  
睿情萬靈答隆眷

長城

高士奇

嬴秦昔設險絕徼營堅城蜿蜒亘萬里形勢何崢嶸塹山  
築雉堞絕壁同雲橫人工旣已盡天險巍然成控制接陝  
右拱抱環燕京疇昔邊事嚴老幼苦長征秋聲警哨動夜  
火邊烽明

永平府志

卷之二十四

詩

十七

盛朝久息戰四境歌承平石樓棲鳥雀亭障荆棘生但看  
飲馬窟日落寒潭清

南臺寺

李斐章

野寺高臺上登臨感慨生河流經絕塞山勢抱孤城破甃  
殘僧去長廊落日明空階餘老樹時有怪鴉鳴

山海關

呂履恒

天際重關虎豹局前瞻雲樹尙冥冥山餘落日千峯紫海  
瀉遙空一氣青漢塞烽烟亭燹壞秦城膏血土花腥漫吟  
碣石東臨句絕代雄才敢乞靈

山海關

陳天植

雄關劃內地險扼長安大海波光闊遙峯殺氣寒疆場  
百戰後烟火幾家殘塞草連天碧行人不忍看

望海

陳天植

上方高極日海氣薄晴空萬里生寒浪千山咽朔風馬驅  
沙磧裏鳥度夕陽中幾歷滄桑變堪嗟是塞翁

角山寺

陳天植

振策最高處危峯接大荒雲歸遼海白沙湧薊門黃野草  
匝邊地秋風冷戰場不堪重吊古把酒酌斜陽

澄海樓

陳天植

天風日夜吼萬里洪濤漾元氣接青冥夕陽歸島上蓬萊  
永平府志

卷之二十四 詩

十六

弱水隔倚檻遙相望何處覓神仙孤懷獨惆悵

山海關

成德

雄關阻塞戴靈鼇控制盧龍勝百牢山界萬重橫翠黛海  
當三面湧銀濤哀笳帶月傳聲切早雁迎秋度影高舊是  
六師開險處待陪

巡幸扈星旄

澄海樓

李鎧

觀海平生志凭虛到十洲乾坤涵萬象今古滙東流絕島  
鮫宮隱遙天蜃市收披襟舒望眼高處落沙鷗  
雲氣孤山起風颺萬里開洪濤奔駭馬高浪蹴驚雷樓閣

須臾變幽靈日夜來望洋渾不測俯仰興悠哉

鎮東樓

陳名遠

百尺鎮東樓遙臨瀚海秋怒濤吞樂浪大漠接營州月冷  
聞人夢風高戍士愁獨憐章句友空復羨封侯

秦王島

諸元壽

大唐天子志勤兵幕府猶傳秦邱名自是征遼趨樂浪非  
關渡海訪蓬瀛千年錯事談驅石百代遺踪話拜荆磧裏  
秋風悲戰骨荒碑空憶魏元成

牛頂兜綿

余淮

牛崖雲霧起山半似兜綿混沌千峯合氤氳三輔聯流霞  
永平府志

卷之二十四 詩

九

明絕頂靈雨足沙田高下無多遠陰晴各一天

虎穴清風

王運恒

於菟何年徙空餘此石竅松濤嶺上來時惹山花笑

新秋登龍潭

張莊臨

積雨秋初霽新涼已透裳泉嘶夜疑雨沙皎月如霜盃聽  
窮邊靜愁看野塞長登崖時一嘯終老此僧房

東五峯中秋看月

張元復

玉虬初駕米輪上一片清光發嶺東素魄傳來松際影幽  
香時送桂邊風乘涼身在瑤臺畔踏影人行水荇中坐久  
霜露冷袞裳擬入廣寒宮

壬戌三月下泝邀同沈宮詹夏徵君遊棲霞寺四首

趙端

花明春寺僻水淨石橋幽  
兔耳宜邀月禽聲直似秋  
四時開士定一曲夕陽留  
酒興兼詩思殊堪紀卧遊

片石老寒烟霜蹄神駿傳  
碧抽春草恨紅對落花憐  
松響濤生樹雲低鶴下天  
邱亭今有地吾意欲逃禪

亂山巉崿處絕頂覺天高  
歲月驚芳草生涯問濁醪  
醉書應自聖詩史定誰豪  
石壁浸莓蘚臨風落兔毫

薄日林臯迥殘霞出岫明  
遠鐘虛谷應古木暮烟平  
蹊濕晴疑雨苔青斷復生  
臣心同勺水聊足慰懷清

水平府志

卷之二十四 詩

二十

春日同汪子明峻姪景從兒景徠景衡遊棲霞寺

趙端

禪房高聳亂峯頭此地烟霞足  
卧遊心遠獨疑仙路近林  
深翻覺洞天幽敢將嘯咏同  
山簡自愛清狂過子猷最是  
登臨多勝事竹牀茶竈共淹留

秋日同友人汪明峻及門王晚仙塔蘇岷源兒道敷

景徠景衡遊羣真觀遇雨四首

趙端

曉出城西路仙壇訪舊遊  
綠沙平野潤紅樹亂山秋  
數騎穿盤磴雙旌渡淺流  
停鞭遙指處驟雨濕征裘

一片冥濛色千峯望不分  
瀑聲翻助雨嵐氣總成雲  
過嶺

人呼隊穿林馬失羣懸知仙院近山菓落紛紛  
古觀清幽處偏宜靜者尋如將邱壑趣遙浣市朝心捫石  
凌虛壁披雲見遠岑嘯臺憑眺久茗椀足長吟  
吟眺忘歸晚隔林疎磬聲烟霞留永日竹樹寄餘情野渡  
流方急沙痕濕更輕巖城燈火近戍鼓報初更

夜宿白雲山

趙端

三載駟城久愛白雲之勝而日夕苦于簿書遂使寂寂  
山靈笑人千古癸亥春勸農過此因留宿焉皓月入懷  
萬籟俱寂兀坐談禪夜分始寐正如坡仙醉卧綠楊橋  
不復知爲人世間也爰紀以詩

永平府志

卷之二十四

詩  
三

夙慕名區勝而今幸一過不來蕭寺宿其奈白雲何月色  
逢山好猿聲出塞多倚欄頻極目同此坐烟蘿

兔耳山行

趙端

兔耳兩峯爲撫邑靈鎮山麓有棲霞寺寺前有橋傳爲  
唐尉遲鄂公所建歲久傾圯余于庚申秋承乏邑事捐  
貲新之甲子夏五月忽爲暴雨衝頽冬初復有修葺之  
舉載酒登山曷勝陵谷之感因作兔耳山行示同遊諸  
君子

兔耳山高入雲雙峯插漢浮雲分驪城百雉與山接捲  
簾長對青山色我令驪城已四載今漸蒼顏山不改誰云

好山不待人山靈生面令重新彩霞一徑縈香閣紅泉百  
道天邊落憶昔公餘蠟屐來汲泉終日坐松齋山水儘堪  
供吏隱簿書安得擾詩懷今年五月蛟龍怒風霆夜撼山  
中樹花臺圯仄石橋頽不辨春風遊賞處同遊爲山傷懷  
抱令未有言口先笑從來桑海如瞬息何況兔耳一卷石  
君不見山公酒醉習家池舉鞭真似并州兒又不見杜公  
立石峴山上深谷爲陵徒怳悵令今醜酒酌西風慚愧山  
公與杜公百年一日安足慮笑策花驄下山去

秋日遊棲霞寺

蘇濱

十里晴光散曉霞尋幽重過老僧家雲開山徑初傳嘒木

永平府志

卷之二十四

詩

三

脫寒林尙見花結社未攜彭澤酒汲泉堪煮趙州茶歸來  
策馬斜陽路遙聽邊城起暮笳

遊棲霞寺

程士奇

寶地何年建相傳自鄂公門前春柳綠山外海雲紅拂石  
尋金馬疏泉度彩虹雙峯天際起兔耳挿遙空

柳亭樓遠眺

夏駟

閑閑十畝繚垣荒高閣飛甍背女牆一道寒泉初出井數  
株垂柳未經霜青山繞郭留人住明月開筵引興長翻笑  
絃歌元亮宰籬邊偏少菊花香

北風蕭瑟雁聲闌十月邊城草木殘息足乍忘關塞遠登

樓隄覺地天寬雲開兔耳雙峯峻日落牛頭大海寒幾欲  
振衣臨碣石不知蜃氣共誰看

北平送友人南歸

陳至言

哀角嚴城起悲秋淚滿衣如何遊子恨偏自送人歸霜落  
孤鞍急天高獨雁飛賞心零落盡朋舊日應稀

九日趙邑侯招飲棲霞寺

辛進修

何幸逢仙令郊原載酒過黃花迷野逕紅葉點山阿澗瀉  
泉聲遠橋橫雲影多忘形已落帽醉倒更婆娑

將至撫寧馬上作

趙朗

清溪爭度馬疎雨亂峯西一路無花落千山正鳥啼柳圍  
永平府志

卷之二十四 詩

三

村舍靜雲隱塞垣低怪底多馴雉青青隴麥齊

隨家大人遊棲霞寺

趙景徠

梵宮花柳徵晴烟十里香塵駐錦鞦觴咏疑追春夜晏風  
流不羨永和年兔峯無恙摩霄漢馬跡何時枕瀑泉歌管  
半殘人欲醉上方清磬自泠然

秋日遊棲霞寺

王模

策馬驪城古塞西萬重飛翠擁招提野花過雨香還淺山  
樹迎秋葉正齊踏遍亂雲盤曲磴坐臨欹石弄清溪徘徊  
更欲窮幽興兔耳峯高落照低

登五峯山望海

彭延禎

北平山水稱五峯五峯屹立摩蒼穹秋來絕頂試登眺林壑如畫烟濛濛地盡忽驚天水合怒濤千尺騰蛟龍山僧指點爲東海沐日浴月波濤紅昔我鼓棹江湖內茫茫已嘆排長空谷王真與凡水別百川巨細皆朝東吁嗟乎秦皇漢武意無窮渡海欲尋蓬萊宮只今三島杳何處秋日遙射玻璃中

春日遊紫霞洞

馬惕然

東南一帶清心目有此千峯插翠微人在下方衝日上鶴從高處破烟飛水深巖落寒侵骨門靜花開色照衣欲識蓬萊今便是更于何地學忘機

永平府志

卷之二十四 詩

十四

碣石

王曰翼

一柱孤懸霄漢傍千秋禹蹟舊茫茫峯迴雁塞關雲紫日射鯨門海氣蒼汗漫殘碑埋徑草崔嵬宮闕照扶桑朝宗不有中流砥誰障洪濤萬里狂

登五峯山

王曰翼

青旻丹嶂合攀陟最高頭海氣朝成雨松陰暑欲秋石幢迎露洗雲竇泛泉流吏况同僧拙登臨足勝遊

登三屯鎮城樓寓目

徐元夢

雉堞連山起登臨亦壯哉一聲南雁去萬里北風來苔沒前朝碣雲寒上將臺興亡無限意尙想濟時才



九日侍飲紫荆山

徐廷璿

九日共登臺倚雲樓閣開西風頻落帽遙憶孟嘉才

春遊夷齊廟四章

徐廷璿

遲遲春日卜茲芳朝言策我馬于被雪郊清風有臺上徹  
雲霄我遊其下采薇之苗

豈無清流我纓斯濁豈無高山供我遐矚古人有言惟日  
不足迨此良辰云何不樂

言有春衣豈必浴沂亦有童冠可以詠歸雖有絲竹清風  
發揮西山夷叔邈焉莫追

瞻烏爰止伯夷之廬我行其野舍此焉如青山在眼名酒  
永平府志

卷之二十四 詩

三五

在壺有風自東飄飄吹余

出關

徐 蘭

憑山俯海古邊州旆影風翻見戍樓馬後桃花馬前雪出  
關爭得不回頭

關門秋夜

韓雄亂

靜夜蟪蛄響新涼蟋蟀吟三山歸遠夢一葉助悲心月色  
淒團扇霜華冷素襟幽人寥落意不待九秋深

登角山

李養和

青霄萬仞削芙蓉杖策先登第一峯滿徑花香俱是藥半  
出松老盡成龍采芝力倦年非壯對酒裁詩興轉濃搔首

幾番尋絕壁舊題多被紫苔封

永佑寺

李養和

參差樓閣壓潮頭突兀危簷界斗牛天上祇聞傳貝闕世  
間何處訪瀛洲層雲暗展庭前畫孤棹斜飛鏡裏舟到此  
幾忘歸路遠心隨鳧鷖晚悠悠

登撫寧城樓

單廷璠

戍樓憑眺欲黃昏幾處孤烟出暮村天末西風吹不斷愁  
看秋色入關門

金馬遺蹤

傅汝翼

曾向蠶叢伴碧雞臨流獨見渥窪蹄漢家宮闕銅駝泣不  
永平府志

卷之二十四 詩

三

復金門向曉嘶

觀海

張照

境界真無兩聊爲物外觀乾坤浮一氣今古浸雙丸野鳥  
飛難過真仙望亦寒人間白少傳高咏海漫漫

山海關

宗室 塞爾赫

颶風吹海雲濤翻排峯削玉森戈鋌一關雄據山海間險  
隘不亞秦嶺函東控鴨綠襟三韓清流百道紆迴環一夫  
當阨衆莫前安用更封泥一丸詎知天心勝地利偏能假  
手移神器義旗西指草昧開四海歸仁消鼎沸百年相繼  
覩重華中外而今已一家出入惟憑一片紙何勞關吏更

相譁

出山海關

塞爾赫

九月灤江幸未冰  
龍城石路舊峻嶒  
狐裘貂帽去年客  
自喜雄關老更登

望海樓觀海作

塞爾赫

東望浩無極  
憑虛思渺然  
誰將蠡共測  
我識蜃空懸  
大地浮如芥  
飛身竟欲仙  
蓬萊知未遠  
縹緲隔蒼烟

釣臺村南坡

蔡珽

朝陽上東嶺  
草樹含輝光  
愛此南坡行  
澹然松露香  
林禽轉幽哢  
澗陰餘夜涼  
徙倚坐白石  
沉吟戀衆芳  
青山寂無

永平府志

卷之二十四

詩

事素心機亦忘清  
賞妙爾愜鎮日同徜徉

釣臺村居

蔡珽

茆屋與塵隔  
雲峯自一關  
五株陶令柳  
數畝謝家山  
晴嶺卧黃犢  
幽溪下白鷗  
如何垂釣客  
日暮不知還

偏涼汀

蔡珽

徙倚對雲汀  
徘徊戀翠薨  
亂山當戶隔  
一鷺入空明  
芳草春城路  
斜陽倦客情  
吟餘無箇事  
心與暮江清

平城留別元臣五弟

蔡珽

山城曉鼓寒  
無聲青龍河  
邊橋已成  
西風獵獵玉鞭影  
騷歌唱罷吾將行  
欲行不行住不住  
幾日勾留朝復暮  
不信

離愁解繫人枉教怨殺長亭路淒淒衰柳不堪折人生何  
事有離別杜鵑頭上叫一聲短葉長條總成血虛舟忘情  
自謂久誰知今日成情數望府臺西一杯酒不爲斜陽自  
回首

巴淳菴學士招飲望海樓

蔡珽

我家本居此海濱生平未嘗獲見海世塵宦網兩難排騰  
騰已近五十載今年奉使幸過此一觀始雪夙昔悔探奇  
賴有賢主人同遊更復饒佳賓初從檻下窺浩淼已覺胸  
次吞乾坤旋見微風磨紫殼漸看碧浪推朱輪固知大小  
生眼界未免渾濩驚心神小僧作態歡清醑旋轉能爲八  
永平府志

卷之二十四 詩

三

風舞含杯不語對高春冷醉微吟思獨苦人間惟有恨難  
消打浪摧潮自今古君不見十里堆埼海畔城可憐猶是  
秦時土

登黃臺山

張一諤

林巒樹色起晴光野翠谿風入草堂百尺灤流漱白石萬  
家砧杵動寒霜清分蕭寺松前月逸醉香山社裏觴心淨  
片塵何處着惟餘琴鶴伴奚囊

循郊駐轡歷蒼苔極目晴空翠嶂開野鳥含枝雲外出山  
僧指月水邊來欲吹青靄全披谷已送丹霞半入臺何日  
桑麻盈四境莫教中澤雁鴻哀

箕石有感

張一諤

突兀文箕石，猙獰蹲山麓。浩淼滙積流，根底若空谷。淵深不可測，中有蛟龍屋。澄泓倒雲影，洄漩撼地軸。乞祝應如響，歲歲效霖霖。靈境不記年，盛時多豐熟。憶昔兒童遊，臨岸足踳踳。砉然水石離，昏蒙沙土覆。無乃天厭怪，暗中鬼神逐。重來三歎息，光芒不在目。昔也巨浪浸，今則赤日暴。塊然一頑冥，射斗名空錄。物理逝如斯，滄桑幾見復。

塔基懷古

張一諤

團團孤高處，一塔勢插天。絕頂青靄合，紅光夜半懸。髣髴牟尼現，依稀日氣連。赤射山精避，光逼宿鳥遷。化象有真宰，靈聚起瑞烟。陰寒徹三伏，壯觀可千年。景物開運會，先獻註洪篇。何年天柱折，神工遂棄捐。玉碎寶焰沉，久而愈寂然。應知色是幻，東鄰仍空禪。灤龍無拱照，羲和不著鞭。茲景不我值，探奇少夙緣。往事隨流水，極目草芊芊。

渡灤水作

錢陳羣

山根左折勢，迴旋一道中。開到日邊估，客暮收東海市。戍樓春冷北平烟，白雲自擁盧龍塞。斷碣猶題貞觀年，三月灤河重問渡。當流立馬聽濺濺。

北平使院三松歌用壁間李東懷孝廉韻

錢陳羣

七年三度馬首東歷春而夏秋未冬子三至北平皆非冬時來時百

卉競獻秀魚鱸一一開題封緣坡登磴就平處堂宇肅肅

當寵從入門案牘不挂眼歛容振襟尋揖二高松兩株並

聳軒之後似踞虎豹登蒙茸低者隨肩高俯首各有本性

含蒨葱一株平鋪蔭十丈高張車蓋青童童月斜倒影城

郭外下矚雉堞如垣墉笙簧間作自酬答况有萬竅來清

風退之老而愚乃欲東野化為龍何如三松非龍亦非雲

龍蟠雲護相追蹤由來後凋質禦攘冰雪千古同奈何相

賞在春夏坐令奇節羣媿紅松也有知若欲語恐見衆草

丁其窮座客感之為起舞劍佩摩戛鳴錚鏦句容詞客青

永平府志

卷之二四詩

三十

蓮裔拳曲臃腫遭龍鍾想其醉後潑墨題素壁肝腸鏤刻  
工磨礱調孤似弄雲和瑟力大擬挽烏號弓我從校士得  
清暇長廊緩步開心胸讀罷濤聲落衆壑高歌一撞蒲牢  
鐘

圍春山

洪鐘

翠擁螺攢四面高淡烟疎雨景偏饒始憐徑路稀車馬便  
覺林泉隔市朝薜荔香邀麋鹿狎笙簧聲度燕鶯嬌尋甯  
詩酒皆堪樂莫怪淵明懶折腰

山寺雨晴

陸開泰

寺拓岩扉古堞邊蒼松蔚蔚薜蘿牽雲沉野樹潭光冷霧

歛遙峯月色妍千古溪山長不改一朝晴雨却頻遷憑軒  
盡日看無厭纔識壺中別一天

桃峪停雲

陸開泰

古寺深藏隱棘扉雨餘花發景霏微頻驚桃艷因風落長  
抱晴雲作帳圍疑是香濃僧入夢更愁月淡鶴忘歸依依  
別後東回首猶帶輕烟繞客衣

角山寺

李廷對

憑臨巔頂萬山低高閣深深覺路迷寺隱岩阿惟月到峯  
藏老榦許雲棲滄桑日湧銅鉦麗古堞墻高翠嶂齊愛煞  
清秋將夜半松聲細細雜猿啼

永平府志

卷之二十四 詩

三

瞭角山

李廷對

孤亭高倚夕陽東檻外晴光人面通芳草近涵春水碧落  
霞低襯野花紅雲添山外重重色樹透簾前細細風得意  
幾忘歸路杳不知村店雨濛濛

杜曉峯出塞

賽音布

龍庭余舊到送子淚沾衣風定樹猶怒日高霜正飛嘯陰  
山鬼過叫月野駝歸常使心魂感還家夢亦稀

關山月

徐以升

大旗霞捲夕陽殘旋見邊城湧玉盤鼓角無聲霜氣肅山  
河流景鏡光寒白頭漢將占星立紅淚胡姬倚馬看淨掃

烟塵天闕迴清輝多處識長安

關山月

李果

重關峻嶺鬱嵯峨月色偏臨絕塞多  
萬里寒生元兎郡三秋光射白狼河  
黃榆風急傳吹角玉帳沙明照枕戈  
最是空閨音信斷中宵愁聽隴頭歌

送萬鳴嘉明府歸南昌

盧見曾

春陰蔽芾野棠新祖帳壺箠夾道陳  
威少恩多古循吏名通位塞舊詞臣  
羽書汗赤盧龍塞漁浦烟青彭蠡濱  
同是杖鄉遊倦客可堪岐路獨逡巡

平山堂菊花

入首之二

盧見曾

永平府志

卷之二十四 詩

三

三朝前已度重陽何故東籬未綻香  
曉喚釀夫催漉酒夜來簷瓦著輕霜

乞栽遠郡走書頻五載常添色樣新  
宦興已闌花轉盛知花原自媚幽人

遊南臺寺

張元

琳宮遙指問山靈勝日登臨蠟屐停  
返照平分秋澗紫晴雲高壓晚峯青  
香燈杳靄留禪榻花樹扶疎散客亭  
試倚雙林舒遠眺幾行鷗鷺下沙汀

登清風臺

張元

層臺臨斷岸徙倚俯雲林大義存天地  
清風自古今爲聞



先聖論過見昔賢心披拂歸來晚餘芬尙滿襟

澄海樓

裘曰修

連山赴溟渤高樓出其隈同人有成諾繫馬升層階東方  
羲車上燭煜朝霞開

御題書在壁

乾隆八年十九年

聖駕兩謁

祖陵

榮光

相徘徊是時秋氣霽一鏡如新揩沈寥鴻雁過寂寞蛟螭

廻濤聲不作波萬里流濯濯天末見豪髮估舶森高桅大

海亦宇內不限人往來舊禁一以弛

前歲

上諭特開海禁俾民食流通人皆

感激稱便 貿遷無嫌猜太平本有象對此舒心懷軒楹俯浩蕩

夙抱茲獲諧回首羸秦氏癡絕

永平府志

卷之二十四 詩

三三

聖所哈

題壁

御製有却笑祖龍癡之句

神仙在人世如何尋蓬萊

山海關

裘曰修

我

朝定鼎初事與曩代異明祚旣以移流賊竟猖肆舉國徒  
信信何人正神器

天兵從東來倒海排山勢一掃氛祲空櫬槍歛焉逝爲彼明  
除凶爲天下吐氣出民水火中且以申大義

天與而人歸

大位安所避曠覽史冊間冠古實無二字內得

真主自此有寧歲俯仰百卅年累洽重熙際芸生何林林食

德凡幾世輅車經巖關詢知戰時地仰維

巍巍功奮筆謹書事

前於錦州途次聞 京師連得透雪入關後見一路  
積素鋪囊尙厚寸許土人咸謂來歲又占大稔詩以

誌喜

裘曰修

瑞雪呈三白邦畿遠近均家書前有寄歲景到尤真物色  
迎長至風光逗早春田間熙皞意持以報

楓宸

祥雲島

陳金駿

空傳海上聳三山此地祥雲咫尺間霞起赤城常爛漫風  
永平府志 卷之二十四 詩 三

清碧落尙斑斕無心舒卷龍鱗遶有象昭同蜃氣環暇日  
開襟恣揮送澄波濯錦駐丹顏

灤江春漲

陳金駿

凍解春融夕漲闌灤江彌望水天連汪汪詎止波千頃森  
森全收月萬川浪暖桃花鱗鬣奮津通析木土膏妍莫因  
向若生恇怯我便浮槎到日邊

蓮塘

陳金駿

酣戰還容恣採蓮 輟耕錄載一詩云最愛錦袍 觀兵豈憚  
酣戰罷不驚越女採蓮花

一流連 塘在演武廳後 密攢翠蓋綠雲掩競鬪新妝紅錦纏呼酒

欲從翁內飲買舟頻向鏡中旋忽然風起知何似娘子軍

成陣脚聯

綠帶洋

陳金駿

淨綠曾聞不可唾洋拖帶水景尤奇橫穿海面垂楊影直  
透波心睡鴨姿疑是清湘通渤溟難容濁浪肆磷緇漁舟  
欲渡愁難渡怕醒龍眠驟鼓鼙

慶福寺

鍾和梅

山藏古寺翠千層路曲飛蛇直引繩到頂祇餘紅日近穿  
松潭與白雲升花爭笑面香難辨草藉重茵唾不能却怪  
遊塵最無賴東風吹上佛前燈

遼西雜咏

八首  
之五

吳肇元

永平府志

卷之二十四

詩

三五

行止誰能定無端到海涯地偏饒霧雨野曠足風沙弔古  
遺蹤少看山落日斜平生何限意倚仗數歸鴉

孤竹清風遠荒蹤賈獨尋空山低落日古木響寒音去國  
何闕讓求仁只此心無緣薦蘋藻惆悵暮雲深

飲羽何年事英風此日留無雙頻出塞有恨不封侯故蹟  
迷衰草寒烟黯戍樓數奇悲異代渺渺北平秋

昔聞田子泰嘗欲訪孤蹤及至盧龍塞斯人不可逢秋烟  
千里靜落木萬山重四顧無相識驅車孰與從

險絕臨榆塞烽烟自古傳承平經此地戰代是何年滄海  
連東極羣峯擁北邊長城徧秋草經畫感前賢

昌盧道中

吳肇元

清秋策馬問昌盧，百里山程儼畫圖。  
村落人家依石壁，柴桑門境枕荒塗。  
望中塞遠烽烟靜，愁外身閒意氣孤。  
老去尙餘雄劍在，獨耽名勝更馳驅。

一柱峯歌

高書勳

江邊春水晴映空，連天四面開芙蓉。  
小舟一葉駕雙槳，獨下萬壑臨長風。  
當頭忽見玉笋矗，不倚不折撐高穹。  
頑青鈍翠不記年，摩天夭矯蒼精龍。  
波濤怒吼千尺雪，澎湃直使兩耳聾。  
仰觀不知帽欲墮，穿出只恐蒼崖崩。  
其下似束皮且剝，漸上愈覺開無窮。  
峻嶒未許五丁鑿，頂上定有棲

永平府志

卷之二十四 詩

三

鸞翁昌黎五峯我未見，小小足此開心胸。  
當時北平老驄馬，曾構茆屋陰崖東。  
斯人志趣在山水，兩世令我懷芳蹤。  
滄桑黯慘劫灰沉，至今孤立青蔥龍。  
安能登此叫九閭，嗒然一笑吞長虹。  
吁嗟塵土久浣人，乃知天地多空濛。

抵北平

高書勳

雄州作鎮勢崔嵬，帶嶺經河四面開。  
萬馬昔盤關塞路，一竿今卧水雲堆。  
草迷虎影愁猿背，春茁薇芽想墨胎。  
立騎漆沮清淺處，夕陽無際上南臺。

白雲堆

高書勳

浪花飛太急，雪亂石磯頭。  
天外何時墮，人間幾片浮。  
風濤

迷雁陣霜月誤漁舟滿地從舒捲年年凍不流

乾河草

高書勳

乾河草昔日河今日道路上行人踏枯槁水槁河乾草自  
生年年春到青不了可憐年少出關人歸來誰似柔荑好

遊五峯山

龔應霖

君不見巫峽之山十二峯鬼斧削出青芙蓉又不見太湖  
之峽七十二波光雲影兩搖曳北平山水古稱奇五峯兀  
然當昌黎我來客此將三載今夕何幸相攀躋寒谷春回  
冰雪少和氣習習吹春草寂歷空山人跡稀枝頭格磔鳴  
黃鳥山靈知我巾車到嵐光雲氣清如掃疊嶂層巒果大

永平府志

卷之二十四 詩

三七

觀不讓太湖巫峽好一峯壁立俯滄溟

望海峯

一峯掩映如

錦屏

錦繡峯

一峯巍巍侵牛斗

平斗峯

一峯天竺靈鷲形

飛來峯

又有一峯名掛月

掛月峯

梯雲不羨周生繩恍如五老相揖

讓又如五鳳爭飛鳴始知奇跡遍海內我欲盡歷恨未能

芒鞋竹杖正未已疎鐘何處隔溪水古木千尋夾道生蒼

藤怪石互騰倚肅瞻廟貌祀文公荒碑剝落多傾圯當年

未得列門墻至今再拜猶興起憑欄一覽意茫茫收拾海

天數千里朝看扶桑日色紅暮觀明月滄波紫岩前古洞

鑿何年范公遺象儼神仙老松如虬不盈尺霜皮黛色岩

之巔清泉一勺流不竭塵襟對此頓灑然長嘯幾欲裂翠

壁把酒還擬問青天不覺詩興隨酒發提筆一一寫崖間  
嗟哉此遊信非偶誰謂山水無宿緣山水長存人易去對  
影欲別還流連且喜山僧頗不俗知我行遊興未足留向  
山窻卧白雲夢魂踏破春山綠

水岩寺下院

閻公銑

山行六七里一徑入叢林鳳彩騰青漢龍湫隱碧岑

鳳彩龍湫

山寺之左右翼也

閣寒蟠老樹僧定滌塵心前路烟橫處層臺更可尋

秋日遊蓮臺寺

閻公銑

寺古臺空在池荒蓮已枯林聲疑過雨日色冷平蕪野水

永平府志

卷之二十四 詩

三六

綠於染遙山青欲無高天望不極秋逼海雲孤

五峯山

閻瑄

獨立高峯上遙瞻衆壑微烟霞連海出風雨半山圍鳥道  
人穿徑僧房客啟扉五峯猶似舊何事倦東歸

秋日雨後再登水岩寺

閻瑄

踏破崎嶇路重來訪舊遊晴嵐迎日翠深樹護雲稠澗落  
雷霆險泉含風雨秋相攜坐危石樽酒自交酬

丁亥仲春調守保陽留別敬勝書院諸生兼柬同年

謝使君山長龔孝廉二首

吳兆基

鑲鑰叨持右北平戶聞絃誦樂

來應有雷聲迅厥壤分高下爲霖徧遠近久旱期庚辛曉  
昏日一瞬作詩慰我農今年幸逢閏

沙河驛早發

顧學潮

不斷村柝長已過宵燭短并程行休遲怯冷起徧緩倦僕  
眼未開出門喜沙輒比屋啼晨鷄排簷多卧犬野曠更何  
人來無去亦罕早行如嗽蔗佳境每不遠星落自東稀霜  
濃知午暖下馬問酒家聞鐘到僧館融融初日來萬恐付  
一筦

卜梨

顧學潮

遷安一邑山皆峻土非不毛產亦僅東村卜家梨樹多內  
永平府志

卷之二十四 詩

三

有異種名四震皮細梗軟小而圓味甘肉脆芳以潤霜後  
竹筐百箇盛凍前稻草十層襯收藏能使舊見新入夏浮  
冰香更韻取小寧惟孔北海嗤蒸應有桓南郡人言他本  
接亦佳我願此根除弗吝昌黎胡桃灤州鯽天生尤物非  
民幸

安家莊

顧學潮

地與橫山接山迴望轉賒溪多橋一木市近路三义籠樹  
寒烟起迎門晚日斜如何稽版籍無復姓安家

半壁店

顧學潮

州西十二里山路幾回盤村小衣冠樸年豐酒食寬人人

丁不識歲歲賦先完豈必無懷氏休同薄俗看

常寧鎮卽事

顧學潮

一車周四境東去路何如白塔常寧鎮西風八月初理無  
邪可勝時有法難疎但使民安業論功我不居

雙望村

顧學潮

隣邑多民事頻將曉色探秋聲連海壯雨意帶山酣一統  
無中外分村有北南區區爾我見政體更誰諳

正月二十二開平夜雪次舍弟平夫韻

顧學潮

風聲吹夜急雪色趁朝探可是春非臆須知北異南入沙  
融較易占歲老尤諳宜麥寒無碍男耕女不蠶

永平府志

卷之二十四 詩

四

又七月十五日古冶對月

顧學潮

七月今年閏雲開一鏡天村聲牛背笛鄉思鴨頭船白髮  
添秋感清光減夜眠數余年半百二度此宵圓

海陽立秋

顧學潮

三年宦迹海東頭魚米爭誇第一州吏爲官貧憎未去民  
因歲稔喜猶留閒庭落葉梧知閨小雨催詩句欲秋菱芡  
漸多蓮結子那禁風物動鄉愁

自茨榆坨至稻地

顧學潮

沙平野曠午風便萬口歡聲一路傳可爲惜貧常小蹇須  
知藏拙在豐年山童脫帽收遺橡村婦兜衣拾墮棉正是



江南誇好景橙黃橘綠早霜天

聞西廳沈秋濤病起

顧學潮

兩署元來隔一廳聞君病起致丁寧無錢莫謂詩非祟有  
命何曾藥不靈應訝別添新鬢白已看春放舊山青腰圍  
減後豪如昨更倒床頭未盡瓶

驚蟄日宜安道上雪

顧學潮

二月猶飛六出花天低風急整還斜已看欲積因春冷可  
待旋消似雨誇緩緩車輕山有路霏霏野曠麥無芽爲平  
市糴官倉足忍使窮簷貸富家

宿王家店

顧學潮

永平府志

卷之二十四

詩

四

小車來往不知官心足能令斗屋寬掬雪已看茶試鼎傾  
醪新喜韭登梓詩丸更錄兼行草衣裏重開乍暖寒短燭  
未殘街柝起又教高枕一宵安

榛子鎮示劉尉鈞恕

顧學潮

到眼青山認欲真偏因忙暫得閒身墨池光動踈窻午茶  
鼎香浮小屋春夢裏回頭應有岸年來舉步亦看人一官  
最是驚心處未辦能聲已累民

偏涼汀晚眺

得灣字

顧學潮

年來偷得在官閒選勝城南往復還花柳接城六七里亭  
臺臨水兩三間平頭土屋春開牖銜尾漁舟晚入灣蔬圃

麥畦都望雨待看繡野濕烟鬢

重遊偏涼汀再用灣字

顧學潮

肩輿侵曉出西關又許州官一日閒犁動田間宵得雨漁  
多汀上水添灣小瓶貯酒傾休盡矮壁留詩寫更剛放眼  
風光春不淺未應花信爲吾慳

清明日得移官浙江之信

顧學潮

一官海國五清明豈料

恩深尚注名有樹敢言人解愛無田誰禁我歸耕已銜  
新命除南郡好奉安輿出北平約畧江程剛夏首花飛長  
日暑風輕

永平府志

卷之二十四

詩

聖

自海口至扒齒港雜題

十首之三

顧學潮

海邊民業半魚蝦升斗年年貸富家獨有去秋收最稔至  
今不向別村賒

滿目平蕪二月春東風昨夜水粼粼未看網戶操漁艇先  
有篙師拜海神

男把犁鋤女織棉粗供衣食過年年一廬斗大辛勤有肯  
與州官自在眠

丁亥仲春調守保陽留別敬勝書院諸生兼柬同年

謝使君山長龔季廉二首

吳兆基

鑊鑰叨持右北平戶聞絃誦樂

時清重延哲匠因遺構

時余新葺書院

敢為文壇作主盟壓軸縹

緗聊守素緣階蘭蕙最關情蓮池景物曾相識又被春風

促我行

蓮池保陽書院名

銜

恩新命去匆匆七路金湯杳靄中官閣朶雲前輩擅

平山堂務

為前守盧雅雨先生筆

平山刻燭幾人同傳經自昔推龔尉召客于

今付謝公何處登樓勞記憶松濤晴帶海門風

冬日拜夷齊廟敬依

李奉翰

御製詩章原韻

清節高風忠孝腸今來孤竹拜冠裳涼波瀲灩依臺榭老

永平府志

卷之二十四 詩

四三

樹扶疎映廟堂適義非惟能諫武英靈自在只臣湯欽哉

觀感思廉立

睿藻標題重首陽

芳蹤曾識在青齊

青州昌樂縣有伯夷待清處碑碣

勝地初臨願日躋于

古卧松眠雨露一泓灑木繞東西不留鶴跡空華表徒悵

鴻飛認雪泥理正心安信道篤薇香轉視粟如稊

夏曉偕傅禧堂泛舟

李奉翰

訪勝扁舟去晨光漾翠瀾巖花紅自媚天氣曉猶寒樹樹

鳥相語山山水上看無心逢妙會偶泛得清歡

山靜林深處惟聞蕩槳聲雲根波色動峯頂曙光明翠茗

探幽趣吟詩見性情景佳問舟子指點不能清

喜峯口

李奉翰

重疊山環抱喜峯特地開長城邊塞詩新漲鐵門來巖草  
滋清露喬松冷碧苔 王師勁旅過秋爽淨塵埃

登元武山瞻禮

李奉翰

石磴迂迴碧樹巔昇人指點入蒼烟巍峩樓閣凌霄上層  
疊峯巒列檻前晃朗秋光普大地清虛法界近諸天屏營  
瞻禮如臨在心跡怡然靜萬緣

澈河橋

李奉翰

非無舟楫濟雙河澈河匯歸灤河故云飛跨徒梁快若何萬騎臨流

永平府志

卷之二十四

四四

嘶曉色長橋鎖霧枕蒼波中泓沙嶼濤聲湧隔岸喬松露  
氣多此日雄師來紫塞定西新頒定西將軍印信逸聽凱旋歌

射虎石

王金英

射石飲羽我昔聞乃今得見怪石蹲風吹石髮其文彪霜  
凝石骨其勢尊百獸不丁不敢進磨牙儼欲相噬吞漢飛  
將軍勇無敵當年此地曾決拾一箭發正貫當膺至今鏃  
穴猶深入我視既定心自如獨騎虎背捋虎鬚手中不用  
持寸鐵何貴錕鋹與鏃鏢忽憶先民履尾戒不妨繪作降

貍圖

清節廟古松歌

王金英

沙石犖确灤江澄江上山圍孤竹城有松萬本環城生蒼  
鱗白骨顏色貞就中數株尤殊形知是何年芽蘖萌一株  
側卧虬龍蟄之而牙爪何猙獰枕以巨石珠在頷有時風  
雨恐飛騰一株團圞葆幢立綢繆糾結枝交縈平鋪坐席  
可茶話何由得此天然棚殿垣終古倚霜雪深夜彷彿神  
依憑周遊更歷崇臺上俯矚邱壑胸次清臺畔一株又奇  
絕百尺中折倒垂青有如羽士頽然醉解衣磅礴翻身輕  
移時靜坐好風起謾謾乍聽葉誰橫忽然變作海濤吼萬  
頃鞢鞞還噲咄古槐老栢相儔匹仙材得地呈精英過者  
摩挲增歎息香林太守含深情濟南仙吏今妙手爰命作  
永平府志

卷之二十四 詩

四十五

繪鏤璫瓔邀我哦詩紀盛事好隨二老隆聲稱君不見闕  
里檜尼山手植今猶榮俯仰上下歷千古廟堂燦列如日  
星此松雖非商周物要亦時代幾變更使君採風重靈跡  
持報  
明主宜競競昔日况曾邀

睿賞宮壺寶墨揮縑繪

御製夷齊廟四景  
有屈蟠松絕句一首

小臣珥筆則

豈敢吟聲唧唧竊比應候秋蟲鳴

偕丁李二廣文方少府蘇處士訪陽樂水於陽山下  
得九蓮庵杳僻幽靜真仙境也欣題二十四韻

王金英

昔我同年友

謂孟炎初

結廬城東郊爲言陽山勝未至心怱怱

茲來尋水源兼以快遊遨跨蹇出郭門迺行果老槽

東郭外五

里驢槽村俗謂張果老喂驢處

勒轡過紅坡清流何滔滔引人漸入勝步

步登雲霄小庵構山麓翠嶺羣峯包入門逸興豁穿室趨

山椒天開一片石平潔臨素濤松風鳴其上入耳如聞韶

彷彿遺世立頓令百慮消同人三五輩跌卧隨逍遙山菓

熟堪摘枰局靜可敲就中吳門客墨妙倪迂曹擬寫真面

目拂苔鋪生綃人山兩相肖山人宛相招

仙者山人也

老衲亦

解事隔林送壺醪坐久共忘倦結隣欲誅茅平山五載住

遊歷遍隰臯他山那及此洵是山之翹胡爲名不著有似

永平府志

卷之二十四 詩

四六

淹賢豪信耳不信目毋乃山靈嘲久宿旣未得倏別生鬱  
陶奮筆聊題句紀實良非褒

觀海宿吳學山前輩寓齋

王金英

滔滔銀浪接平沙極目蒼茫望靡涯曾向地圖窮絕徼始  
知天塹隔中華矯看空濶翔鵬翼枯就濱崖索蚌花我亦  
拘墟等河伯固應見笑大方家

天水相涵碣石孤居人指點影模糊桑田不信能遷變  
蜃市從誰辨有無自嘆浮生同斷梗敢於

盛世說乘桴來茲幸值添籌會好共羣仙奉玉壺

是日值學山生

辰

登南臺

王金英

天風吹我此遨遊一度登臺一度謳領畧烟光朝復暮  
舊愁履去仍留翠峯叠起趨龍塞二水交馳到虎頭故國  
山川春夢裏掃衣如土闕江樓金陵盧塞山以似北地盧龍而名明太祖欲建闕江樓于

道旁藍色草花俗名馬蘭李香林使君有詩屬和即

次元韻

王金英

襲名香祖著芳叢恰傍金鞍玉勒驄纔見曉烟迷淺翠又  
看夕照襯殘紅宜簪笄首花鈿上却在裙腰草色中微物  
從茲標藝圃都緣秀句滿天東

永平府志

卷之二十四

詩

四七

景忠山

靳榮藩

景忠山色何縹緲石磴如雲樹如草叢收遠山作近山山  
隈起伏千岩小憶昔

心皇臨御年每因蒐狩來山前華巔父老尙能說湛恩渥澤  
盈原四我到

行宮瞻

聖蹟夜瞻星月晝瞻日始識名山原尋常烟雲都自

御書出復從別院拜三忠仰止高山異代同當年應自入

宸賞許留報祀依琳宮歸路却疑從天下筍輿面觀身似架

仰看虛無霄閣曾于其上共僧話

景忠山謁三忠祠

靳榮藩

西川南宋景三忠一片丹心異代同吳魏何人矜將畧金  
元本自服英雄旌旗氣肅雲車到箕尾芒寒帝座通仰止  
高山修禴祀邊關萬里一龕中

自永平歸遷安口占

靳榮藩

日漾灤河雪未消軟輿新渡郭西橋半林紅葉因霜醉一  
帶青山引塔遙東海君臣誇遠畧桓公北伐山戎至今支南塘壘壁

紀前朝三屯營是戚繼光舊署于今世世歌畊鑿是處青雲上九霄

遷安口號

靳榮藩

三屯塢壁鞏京師長說

永平府志

卷之二十四 詩

吳

文皇駐蹕時開國承家謨烈遠至今紫氣極天垂天聰四年

太宗文皇帝駐蹕三屯營見八旗通志

三屯營外景忠山頰眺烟雲萬里間舊是

仁皇蒐獵地都將田牧付民間景忠山左右舊圍場也

景忠山畔觀

宮墻堯屋舜階萬禩長載筆詞臣都拜賜江村學士富縹緗  
聖祖仁皇帝行宮在景忠山見高澹人松亭紀行

冷口迢迢近熱河八溝三塔廣坡坨

陪都內外年年熟容得中原萬竈多庚寅辛卯間山東西河南人出冷口喜峯

等關墾地就墾者頗多



貢道逶迤接土番共球王會富輪轅

天朝威德真無外鎖鑰何勞數北門

教漢奈曼喀爾喀左翼喀爾沁翁牛特等土

默特札魯特阿祿科爾沁諸部落皆由喜峯口入貢

沙田簇簇午陰齊佳菓團團壓樹低

河岸上下家梨

溽暑齊看粟子花風前拾穗遍山家

向肩頭幾道斜

栗花編繩可以續火

栽得柔柔不種蠶朝朝繭紙走畿南

是雞林價未諳

桑白作紙頗佳

舞衫歌扇話從前五十年來禮教全

永平府志

卷之二十四

四九

昌已有武城絃

建昌營素號繁華今皆書聲絃歌矣

撫字催科兩未能山田衝後額相仍

天恩渥積欠銷時口自增

董家口外等處水衝地十六頃有奇詳奉部查

佃民休說納租艱努力耕耘力自寬

渠何似啟禱間

明末民苦兵餉遷邑尤甚太平以來耕鑿者歌帝力矣

自到令支四載餘役車礮碌少安居

得灤江尺半魚

題灤河橋聖泉寺

德楞額

寺古人烟寂出深路更幽松蟠千古月

塵心淨還疑世外遊偷閑聊駐足多為白雲留

遊姜女廟

德楞額

策馬雄關外遙臨古寺頭清操留片石烈氣凜千秋淚滴

蒼峯翠情牽碧海愁荒祠誰結伴巾幗邈難儔

祠以榆關烈女附祭

途中望長城

趙大經

峯腰一綫露邊痕正馬秋風為斷魂長笑蒙恬傷地脉何

如李廣將

去

軍屯深山虎乳巢墻缺破障人歸越塞門太

息前朝增壘處夕陽殘堞易黃昏

喜峯口卽事

趙大經

幾日關城誦采薇簡書堪畏未言歸調鷹野外風初勁牧

馬山頭草尙肥上將乍承新節鉞健兒爭著舊戎衣誓擒

永平府志

卷之二十四

詩

五

贊普應尋約莫道松州但解圍

已丑冬予受事山海十日後偕署中友人輩同登澄

海樓謁海神祠天后宮次孫梅亭韻 陶 淑

渝水九州窮軒然巨波颺昔聞今始到望洋迷蕩漾雄關

鎮其東衆峯北拱向髣髴見蓬萊排空立仙仗飛廉若助

勢日夕相摩盪乾坤浩淼中危樓聳天唱壯哉如是觀余

情曷奔放直以山為屏且以雲為帳

長城圍繚繞萬世頗賴資當時除暴虐空負博浪椎至今

存漁島猶說秦皇遺傳信或傳訛後人爭唱隨懷古徒慨

歎仰視日潛輝回馬駐珠宮素侶羅文空綵吟聲四壁靜但

見各撚髭我亦脫形骸一騁天外思

題傍水崖

陶淑

絕壁凌空起何年刻削成萬峯皆欲俯一水若能撐老鶴  
盤松宿寒雲繞寺生山川奇險處隨意脫塵櫻

初夏攝事驪城偕振遠上人及舍弟輩自水雲寺至  
天台山雙泉寺得七古一章

陶淑

聯朝訟牒紛紛埽有如荒園除蔓草胸次欲使俗根除會  
訪名山事幽討平明騎馬出城西四面巒光接馬蹄山靈  
一似招我去崗巒變幻無端倪路轉蘆峯烟逕曲一山奇  
突飛濃綠人言此地天台山放眼貪看意未足山後黃崖

永平府志

卷之二十四 詩

三

峙碧峯上有古潭蛟龍空水雲漠漠不辨寺但聞萬壑鳴  
松風盤磴幾層到山腹始見天台真面目雙泉湧地法界  
涼祇讓老僧納清福吾聞天台迷阮劉仙人洞府藏深幽  
茲山無乃是幻化飛來此地成丹邱山峯倒影山嵐收墨  
花狼藉觥交酬惟有遠公橫淡趣揮塵山門石點頭

自宗峯寺至廣慶寺納涼

陶淑

天風呼不至觸熱過高林一徑入濃翠四山沉夕陰泉聲  
流夢遠鳥語度禪深直到清涼後超超有會心

癸巳七月望後一日偕署中友人三弟東川暨兒輩  
浴陽泉得長句十四韻

陶淑

神工偷鑿雲根虛地居離位坎流趨人間烟火絕不到長  
以大造爲洪爐釀成髓液沸溫煖換將冰雪迴春煦曾聞  
驪山擅名勝茲泉胡出邊之隅我來時值大暑退峯嵐翠  
點秋光踈一一尋源到真境中涵清淨摩尼珠一泓空碧  
剖作兩千斛流乳傾不枯濯纓濯足人自取俗云療疾斯  
言愚我欲伐毛兼洗髓忽覺清風生體膚平生煩熱滌不  
盡快意且復得斯須夜來散髮深林外天邊放出玉蟾蜍  
湛然照我清肝肺空中禪旨疑有無此時氣冷諸天寂但  
聞幽泉鳴笙竽回頭始覺塵海脫倚床高卧夢蘧蘧

宿湯泉寺和三弟東川韻

陶淑

永平府志

卷之二十四

詩

三

疎磬聲搖夜影幽上方冉冉妙香流人依月冷心都淨山  
借泉溫氣不秋造物何曾清福客名場幾見好官休今宵  
此夜良難得桑下能無三宿留

謁昌黎韓文公祠

郭鉉俊

南陽會展謁碣石拜崇祠兩地芳徽在千秋秩祀垂文章  
懸日月節義見鬚眉獨障狂瀾倒偏扶墜緒衰闢邪煩累  
牘折叛祇單詞大勇過責育真堪百世師

湘子影

郭鉉俊

曾尋少室達摩影

嵩山少林寺有達摩面壁石

又訪昌黎湘子蹤峭壁

依稀留幻相飛崖約畧想遺容水分清濁都堪映

山下有清濁二

池人隔仙凡未許逢笑我烟霞緣不淺半生鹿鹿一枝筇

昌黎古蹟四首

郭鉉俊

漢武遺蹤在荒臺沒草萊亂山憑指點當日興悠哉漢武臺

王屋舊居在往來汾晉間果老居王屋山下往來汾晉之間如何仙頂後

亦自關元關果老院

爛柯人已去碁局此空留石上青苔滿閒雲盡日浮仙人臺

慣釀逡巡酒能開頃刻花何年丹鼎熟古洞滿烟霞湘子洞

喜峯口次郡尊韻

丁廷輔

彷彿江南路忽教倦眼開山烟烘日出野水傍人來寺古

依巖樹城荒老石苔佳兵無擾動何用掃塵埃

永平府志 卷之二十四 詩

三

遊九蓮菴

丁廷輔

為訪河源信馬蹄深幽疑是武陵溪凡心到此皆冰釋小

寺無名許鶴棲白石臨流堪作枕青松夾澗不成蹊人間

粉本從茲有笑看龍眠一卷攜時蘇君作圖歸

九蓮菴

李錫朋

古剎陽山曲憑臨景物幽坐看青嶂合行聽細泉流籟發

千松韻涼生六月秋聞曹無個事風雨亦須遊

和郡尊立春登清風臺

王家幹

山繞灤江翠繞臺東君有意送青來融融煖氣溶冰雪把

酒高歌懷抱開

松風謾謾拂層臺喜見陽春有脚來題罷新詩歸馬疾無邊青嶂倚天開

初春同高石堂重遊偏涼汀

蔡瓶福

勝跡重尋處相將慰寂寥巖陰構亭榭石壁聳雲霄漆水穿崖曲松林入望遙欄邊發山杏纔露一枝嬌

昌黎道中憇野寺偶成

蔡瓶福

忘騎叩松關層臺亂石間劫灰迷舊跡雲鳥自空山海近暮天暝葉凋霜菊閒行行遍荆棘步陟愧蹒跚

聞王菊莊山長與丁遠亭學博諸君有南臺之遊余

以足疾未及與賦柬二公

蔡瓶福

永平府志

卷之二十四

詩

五十四

窄窄層巒對水汀無邊秋色貯空亭晴雲半與虬枝合畫角遙從遠塞聽酒酌瞿曇同放曠病隨摩詰自矜嫻詩來動我登臨意點點芙蓉入夢青

王菊莊山長示遊南臺詩賦呈二首 陳 瑛

曾向南臺取次行秋來風物最關情當時若得聯高會知

在祇園第幾名

聞席間以數羅漢爲酒令

南山爽氣挹層臺賺得名賢屐印苔寄語蓬萊山上客人間亦復絕纖埃

春日兩山道中看花

辛大成

崎嶇無路訪招提

欲訪石佛寺不果

野草春深信馬蹄淡抹斜陽

花萬樹五峯東畔兩山西

野棠如雪小桃紅半放蘋婆醉晚風彷彿趙昌新著色黃  
鷗無語坐花叢

勝水寺遠眺

辛大成

茫茫

上聲

秋空迴憑高酒乍醒峯羅千點翠海劃一痕青塞

雁低平楚晴烟接杳冥此心天地外何事苦勞形

遊雙泉寺

辛大成

數年絕遊跡今復快登臨

余向讀書於此

一水清塵抱層巒豁遠

心路穿高鳥外杖入亂雲深恨少驚人句峯頭資嘯吟

登南臺山寺

辛大成

永平府志

卷之二十四

詩

五五

著來雙不借拾磴古招提地接灤江近山迴孤竹低雄風  
生大壑落日滿長堤弔古情何極蒼茫塞草迷

漢飛將軍射虎處

蔡泓

茂草豐碑立水濱題名猶記漢將軍雕弧勁挽天邊月駿  
馬狂嘶塞上雲萬古英雄餘片石千秋功業付斜曛行人  
莫話封侯事嗚咽灘聲不忍聞

九日同幕中諸友登永平城晚眺

饒映奎

邊關控扼半凌空塞上秋光送晚風山勢迴環都向北河  
身迢遞正臨東千家薏苡清香裏一路茱萸落照中喜雨  
亭西真似綺菊花黃遍蓼花紅

剛逢九日倚城樓覽勝從教破客愁寶馬雕弓開玉帳珠  
簾繡幙控銀鈎鐘聲遠接黃花寺扇影低搖白荻洲時城南演  
戲點點青峯都入畫落霞孤鶩一江秋

平山四面畫屏開更倚層樓望幾回射虎名存尋怪石釣  
魚人去上空臺桃花峪口紅千樹茄子峯頭翠一堆孤竹  
年年遺蹟在風清月素薦蘋來

無風無雨夕陽斜萬柳千松著眼賒百代詩名推趙質一  
時將畧溯張華蒼茫雲繞遼西樹濃淡烟迷塞北花代馬  
初肥嘶正急灤河驛口踏平沙

青鞵布襪後還先烏帽凌風笑拍肩古渡西隄沽酒店大  
永平府志

卷之二十四 詩

五十六

橋南畔賣魚船三三徑遠勞卿夢七七花疎憶去年寄語  
秋閨秋信至秋砧聽斷欲添綿

陪王菊莊山長遊偏涼汀

馮國泰

壬辰夏五天氣晴馮子初遊偏涼汀時當赤日憚炎暑快  
攜蠟屐出南城不信呼舟先有客顧余一笑拍手迎及席  
而坐者誰子二王之後駱李丁

是日同遊者先生暨蓮溪  
甸邦聖川遠亭鳳陀共七

人詩酒差彷彿竹林數溪山恍入桃源行觀者謂是神仙侶

余亦歌出金石聲沿流而下六七里虎頭之石何猗猗

虎頭

石相傳卽漢李將軍射石沒羽處似此功畧封則未將軍且然矧書生前

林正與蔡墳近乃公飛輓旂常銘謚以襄敏制曰豐碑



夙負留芳名乃知遇合自天定幸與不幸誰其爭江嶼凝

茫鷺鷗白雪峯

寺名

曉暎松栢青粥魚響處日卓午停撓聊

復叩禪扃同儕于焉暫憩息雜陳野簌芳且馨日子戶小  
不善飲便從衲子同談經逢場亦各恣所適而我賓主尤  
忘形此來已饒林壑興此去更深烟霞情放鴨船歸茅屋  
小釣魚人去荒臺平誰知山重水複處別有圖畫天然呈  
到此又一人間世置我冰壺潔且瑩古人秉燭夜以繼而  
况銜盃日未傾鬚眉蕭颯衣裳冷仰瞻

宸翰炳日星無多亭子懸崖置時有仙禽雜樹鳴可以案  
上聯石鼎可以岩畔調玉笙可呼猿兮可招鶴可振衣兮

永平府志

卷之二十四 詩

五七

可濯纓衣興興來興盡返杯盤狼籍客已醒引人勝地爽  
如許招隱當不負山靈曲水滌洄環若帶奇峯亂插削若  
屏放棹中流舟初出一枕不知東方明

題清風臺壁

李向春

漁釣滌江之出來不計秋有時獨懷古憑檻看東流

三平對三歌東王菊莊山長

丁珠

對酒散風之飄倦寒肌起粟顛毛豎灤河一夜水無聲巖  
壑水之平三尺乳青女垂雲海上來天葩紛舞凌空吐橫斜  
老樹枝幹無不了行人腰脚僂豪家深坐紫瓊瑜低唱淺  
雲階小舞幾疎北平客東齋平山媚我圍官府不待招邀

四皓來龐眉皓首滿庭戶床頭甕倒黃醅香掬灑臨風弔  
往古射虎將軍嗟數奇求仙帝子歸何許榆關古塞說盧  
龍荷戟當年征戍苦毳毼拂面結層冰皴瘡侵膚成惰窳  
銜枚餞駟宵斫營雪化胭脂深入土今稱福地人恬愉廢  
壘築成方丈堵擊壤羣兒歌歲豐明年預卜多禾黍圍鑪  
人盡樂團鬪笑我無爲久羈旅幕中二妙皆同鄉盤桓時  
作同鄉語謂李華亭長干更近長風沙子家安慶菊不遠  
江南鄰住所羨君作客擁生徒繞膝依然羅兒女菊莊挈  
家住永平破予岑寂寄長歌聲聲都入沈郎譜著屐不辭拖水泥  
徑欲邀君酣綠醕白戰同吟禁體詩騷壇從此張旗鼓

永平府志

卷之二十四 詩

五八

傍水崖

黃標

松風一徑駐籃輿笑兀孤崖矗太虛四面水如襟帶束幾

盤峯似髻螺舒烟生古磴將軍石明張臣破單于鶴老空

山處士廬朱鄧林先今夜月明禪榻畔定知清夢覺徐徐

南城郊行

李源

春來無處不芳菲散步徐行遶翠微楊柳橋邊人影亂桃  
花渡口鳥聲稀一痕雲抹漁莊舍千疊山環僧寺扉閒眺  
渾忘歸去晚夕陽依約上征衣

雙鳳山寺

宋赫

閑來暫許叩巖扉樓閣雲深接翠微三面青山一面水隔

喜峯口和郡守李香林先生韻

熊文富

峯逼重關險蠶叢特地開  
城根盤似夔山骨削無苔  
衛國邊墻固驅氛鐵騎來  
雄風忽迅發應得淨征埃

湘子影

趙大奎

半壁孤懸危似削橫空晴翠映  
斜暉詎憐世事情無限控  
鶴山頭竟不飛

平時喜讀遊仙句此地相傳印  
幻容幾度呼來渾不應對  
雲長日坐孤峯

西山爽氣晚來多洶湍清流靜  
漾波片石倚雲存幻相相

永平府志

卷之二十四 詩

五九

傳千載定難磨

苔積成衣暮舞風蘿裳藤帶致  
無窮丹成應別時人去掩  
映嵐光倚碧空

望長城

朱楷

峯頭雨霽快登臨縱目長城入  
遠岑雉堞蟠迴秋色滿戍  
樓出沒碧雲深天開崑險分  
中外地接滄瀛歷古今詩客  
但言邊塞苦

盛時耕鑿足歌吟

泛舟至清節廟

宋發

遙望千山翠及山翠反收濤聲  
猶在耳轉盼已層樓

觀海

衛理元

觀海難為水蒼茫萬壑宗渾成天一色直瀉雪千重吐納  
流何急包荒量有容浮槎堪近日我欲訪仙蹤

半月坨

宋文蔚

臨江島嶼象偏奇恰似蟾光未滿時一葉孤舟沙岸淨漁  
人棹入廣寒棲

登五峯山

齊逢年

壁立芙蓉削不成盤盤歷盡淡雲橫十分翠繞孤城小一  
片光連瀚海明古洞幽深尋勝跡范公荒祠磊落仰周行

文公祠塵心掃却歸來晚水月松風兩兩清

永平府志

卷之二十四 詩

六

送郡守謝慎庭夫子歸寧都

胡廷縉

竹馬迎來幾度秋忽驚 予告買歸舟深情半屬平山月  
直送征帆到贛州

三載天家保障臣萬民誰不頌陽春由來孤竹無他物多  
帶清風與故人

宿榆關

張琴

辭家將百里薄暮抵榆關倦客纔停轡蒼烟已沒山夜寒  
聞漏永夢短對燈閒欲問連營處鷄鳴又路間

清風臺詞

姚永錫

孤竹之西首陽山臺榭崔嵬聳漢間一自兩賢隱此處首

陽山石亦不頑升階拾盡層層級入室恍在雲霄立此地  
本非號崇天彷彿帝座通呼吸四圍豁目興不孤漫持斗  
酒相歌呼階下薇香接俎豆千駟雖富骨已枯當年式食  
不果腹而今餘韻留松竹凌空奏響雜簷鈴倚檻遙聽滌  
煩溽我憶昔年有謝公品格意氣稱豪雄百尺危樓今已  
矣却怪懷人錯臨風世人誰能繪風聲無色無形繪不成  
留得此臺千古在倒映灤江水亦清

送郡守謝慎庭夫子歸寧都

姚永錫

文翁化蜀著賢名三載循良治已成解組有懷追五柳歌  
驪無計挽雙旌西山翠色濃歸興南浦波光淡宦情勿效  
永平府志 卷之二十四 詩 李

東山高卧穩雲霓猶冀慰蒼生

觀海和王菊莊夫子韻

李美

道孕乾坤亦聚沙海山強與判津涯偉人秋泛臨溟渤下  
士春遊憶鬱華美昔會遊海上陰火未燃天在水陽烏纔上地生  
花三年更讀觀瀾什信是元虛擅作家

灝氣茫茫萬彙孤海天回憶景模糊雲垂陰晝有時有浪  
吼晴雷無日無宿世應鋤懸圃草此來當作濟川桴憑誰  
遠引蓬萊路願就成連置一壺

詞

盧龍懷古 金人捧玉盤

尤侗

出神京臨絕塞是盧龍想榆關血戰英雄南山射虎將軍  
霹靂吼雕弓大旗落日鳴笳起萬馬秋風 問當年人安  
在流水咽古城空看雨拋金鎖苔紅健兒白髮閒驅黃雀  
野田中參軍岸幘戍樓上獨數飛鴻

澄海樓

歸朝歡

尤 侗

家在芙蓉江畔住兩漿沙棠桃葉渡天風吹我北溟來芒  
羊一望無窮處漫將秋水註此時好讀元虛賦倚危樓不  
聞呼嘯滿耳驚雷雨 却怪馮夷緣底怒白馬乘潮鳴急  
鼓鮫人又喜起樓臺璇官出市珊瑚樹風鬟霧髻女戲彈  
寶瑟來迎汝趁漁舟一聲欸乃送我蓬壺去

永平府志

卷之二十四 詞

三

觀獵

望海潮

尤 侗

遼西重地東臨碣石朔風塞馬蕭蕭臺上呼鷹磧中走狗  
千人弓箭橫腰牙纛抗招搖看雕翎落處雨血風毛日暮  
山空寒鳥饑兎正悲號 將軍坐地分曹有健兒行炙美  
女彈槽再打一圍揚鞭歸去戍樓畫角聲高何似霍嫖姚  
笑當年猿臂射石空勞顧語參軍醉中磨盾好揮毫

塞上

賀新郎

尤 侗

天末盧龍道看數分山崖聳峙河流低遶極望長安烟一  
抹但見黃榆白草又添得孤鴻縹緲寒月如霜沙似雪想  
當年有客傷心早重畫出邊愁稿 短衣自倚危樓嘯弔

西風一盃殘酒淚痕多少漫說明妃出塞苦不見玉關人  
老更滅盡英雄懷抱剩有琵琶渾不似倩廬兒彈出涼州  
調公莫舞烏啼了

昭君令工造琵琶笑日  
渾不似今訛為胡撥四

題王菊莊山長觀海圖用辛稼軒韻 摸魚子

吳肇元

乍披圖太陰雷雨鯨波日夜東去伊人宛在青蒼頂極目  
鼇峯堪數君好住有歷歷蓬瀛金碧登仙路六龍似語正  
若御騰霞精華濯影不使曉雲絮 長風便徐福當年真  
誤天吳如解相妒千秋待勒元虛賦鮫室潛靈應訴揮袖  
舞回首見齊州九點飛香土傾陽漫苦待破浪他年紅輪  
永平府志 卷之二十四 詞 六三

扶近重展舊遊處

觀海侍菊莊夫子作 沁園春

沈永邁

渺矣天池今古如斯萬里茫茫覺霧雨迷漫朝騰幻影烟  
霞蕩漾曙發祥光乍湧金波幾疑仙境孰向鮫宮現實寶妝  
倚樓望欲凌波竟渡一葦難航 登巒佇立徬徨有玉闕  
金宮水一方看島嶼沉浮非尋漢柱蛟龍泪沒但駕鼉梁  
目注青雲追隨策杖想到蓬萊樂未央凝眸處已流珠赫  
赫出自扶桑

清明日弔伯夷叔齊用尤西堂先生重九韻 賀新郎

孫廷玉

節屆清明矣駕輕舟尋芳訪勝流連灤水健羨夷齊兄與  
弟自古及今無幾瞻故跡何禁流涕翠栢蒼松風謾謾惜  
首陽山上惟餘此况復際紛紛雨 當年事亦難言耳重  
倫常忠君尊父棄違鄉里採藥荆蠻推至德差擬仁人君  
子終不顧饑窮而死月印江心留萬古幸清風宕漾灤波  
裏化頑懦皆興起

詞餘

海濱觀日

王金英

醉扶歸

渺無涯萬頃洪濤蕩曉瞳矐千條赤玉光團團好

似盤盂狀是何人捧出鮫宮漲待與羲和攬轡恣騰驤且  
永平府志

卷之二十四

詞餘

六十四

立岡巒小卓青藜杖

皂羅袍

漫撚吟髭遐想想蓬萊仙境只在扶桑有時風送  
御爐香幾多雲擁天門仗食非吾食瓊膏玖漿服非吾服  
霞冠霧裳迺超於世上豪華樣

江兒木

嗤彼燒丹妄堪爲避世狂看巍巍玉宇金樓敞有

翩翩玉女金童降更漫漫

平聲

玉露金風曠仙籍伊誰管掌

名竄其間恐不全無倚傍

去聲

玉交枝

悠然長往恐神仙在無何有鄉撐開雙眼雲邊望

渡風波孰駕鼉梁空聞蜃樓時露藏縱教

平聲

精衛難填壤

笑前人秦皇漢皇更誰爲劉郎阮郎



川撥棹 休張望欲乘桴碣石傍來崖前獨自徬徨來崖前  
獨自徬徨怪不得翔鳥吠厖對滄波眺一場向青天問一  
章

僥僥令 平生忠信意非是畏洋洋只爲去聲欲問明河隔霄  
壤好喚張騫細忖量

尾聲 海濱觀日茲遊壯去蒼旻七千之上且待星槎再裏  
糧